



## Publicaziuns officialas dils 13-08-2021

---

### Damondas da baghegiar

Nr. 120/2021

Datum da publicaziun: 13-08-2021

Patrun: Bearth Rest Andriu, 7175 Sumvitg

Liug e parcelas: Sumvitg-Bigliel; 6233

Object: midada d'intent da nuegl en deposit da maschinas, duas novas portas

Ils profils ein tschentai ed ils plans da construcziun ein deponi tier la canzlia commu-nala. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

### Annunzias da baghegiar

All'istanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

#### Nr. 108/2021

Vischnaunca Sumvitg, 7175 Sumvitg; lavurs da manteniment vid via sin parcella nr. 5140 a Sumvitg-Glivers.

#### Nr. 110/2021

Tuor Michel, 1206 Genevra; remplazzar finiastras dil baghetg nr. 451 sin parcelas nr. 164 e 165 a Rabiun-Cavivens.

#### Nr. 113/2021

Hunger Lucian, 7176 Cumpadials; lavurs da manteniment vid tetg e fatschadas dil baghetg nr. 696 sin parcella nr. 4067 a Cumpadials-Foppa.

#### Nr. 114/2021

Schmidt Conrad, 7174 S. Benedetg; spazzar il baghetg nr. N-887 sin parcella nr. 6128 a Sumvitg-S. Benedetg.

#### Nr. 117/2021

Joos Lang Rosa Maria, 7173 Surrein; remplazzar la cuvrada dil plaz da seser sin parcella nr. 4136 a Surrein-Reits.

Sumvitg, 13-08-2021

*Cumissiun da baghegiar*

### **Via Runcahez – Runé - Tuma**

**Ils 30 d'uoost 2021** entscheiva l'Axpo Hydro Surselva SA cun la sanaziun dalla lingia Nadels – Runcahez. En ina secund'etappa vegn la lingia sin il tschancun Runé -Tuma sanada. Ord quei motiv resta la via serrada per tut il traffic naven dils **30 d'uoost 2021 entochen la fin da november**. In passadi per pedunz ei duront las lavurs da sanaziun avon maun. Nus supplichein per e enconuschientscha e capientscha.

Sumvitg, 13-08-2021

*Departament forestal*

### **Sanaziun lingia d'aua a Clavadi-Tuor**

**Ils 16 d'uoost 2021** entscheivan las lavurs da sanaziun dalla lingia d'aua a Clavadi-Tuor. Duront il temps da baghegiar resta la via parzialmein serrada per tut il traffic. Plinavon sto vegnir quintau cun impediments cura che la via ei aviarta.

Nus supplichein per Vossa capientscha. Per damondas stat il biro d'inschignier Deplazes (tel. 081 943 25 60) bugen a disposiziun.

Sumvitg, 13-08-2021

*Departament provediment d'aua*

### **Uniun Archiv cultural Sumvitg – invitaziun alla radunonza generala**

L'uniun Archiv cultural Sumvitg envida commembras e commembers e tut tgi che ha interess alla radunonza generala che ha liug **sonda, ils 28 d'uoost 2021 allas 15.00 en casa da scola a Surrein**.

#### **Tractandas**

1. Beinvegni
2. Elecziun da 2 dumbravuschs
3. Approbaziun dil protocol dalla radunonza dils 27-04-2019
4. Approbaziun dil rapport annual 2019-2020
5. Approbaziun dils rendaquens 2019 e 2020 e dil rapport dils revisurs
6. Fixaziun dalla contribuziun annuala
7. Tractaziun dil program da lavur
8. Tractaziun da propostas da commembras e commembers
9. Orientaziuns
10. Varia

Naven dallas 14.00 e suenter la radunonza ei igl archiv aviarts per tuts interessai. Sco purschida speciala laschein nus tedlar l'emissiun da radio dils 23 da fevrer 1980 "Ina viseta a Rabius" (ca. 25 min). Suenter la radunonza ein tuts envidai ad in pign apero. Cordialmein envida la suprastonza.

*Uniun Archiv cultural Sumvitg*

### **Rabius anavon envida ad ina sentupada cun grillada e musica per in e scadin**

**Sonda, ils 21 d'uoost**, s'entupein nus naven dallas 17.00 sil plaz da scola a Rabius per star da cumpignia. En cass da malaura vegn la sentupada spustada sils 4 da settember. Sut [www.rabius.ch](http://www.rabius.ch) ni sin nos canals socials informein nus a cuorta vesta, sche la sentupada ha liug. *Cordialmein envida Rabius anavon*

## Imaginaziun

**Ils 21e22 d'uoost 2021** ha liug en la Casa Lechmann a Sumvitg la scuntrada d'art e cultura «imaginaziun». La Casa Lechmann vegn emplenida cun purschidas artisticas e producziuns musicalas. Ulteriuras informaziuns tier quei arranschament ei el program, Vossa annunzia fagei sut: [www.imaginaziun.ch](http://www.imaginaziun.ch).

**Liug digl arranschament:** Casa Lechmann, Via Principala 43, 7175 Sumvitg Nus selegrein da Vossa presenza!

**Am 21. und 22. August 2021** findet in der Casa Lechmann in Sumvitg der Kunst- und Kulturanlass «imaginaziun» statt. Die Casa Lechmann wird mit künstlerischen Arbeiten und musikalischen Darbietungen bespielt. Weitere Informationen zur Veranstaltung und zum Programm sowie Anmeldung unter: [www.imaginaziun.ch](http://www.imaginaziun.ch) **Veranstaltungsort:** Casa Lechmann, Via Principala 43, 7175 Sumvitg Wir freuen uns auf Ihren Besuch!

## Invitaziun

Alla 59-avla radunonza generala da Sumvitg Turissem, **venderdis, ils 27 d'uoost 2021 allas 20.00** uras ell'ustria dalla Staziun a Sumvitg

Gliesta da tractandas

1. Beinvegni
2. Elecziun d'in dumbravusch
3. Approbaziun dil protocol 2020
4. Rendaquen 2020
5. Rapport dils revisurs
6. Approbaziun dil quen 2020
7. Preventiv 2021
8. Rapport dil president
9. Mutaziuns da commembers (as)
10. Elecziuns:           1 commember dalla suprastonza (reelecziun)  
                              1 commember da quen e gestiun (reelecziun)
11. Orientaziuns
12. Varia

Bugen sperein nus ch'in numerus diember da commembras e commembers (era novizs ein beinvegni) resalvien quella sera en favur dil turissem.

Dil protocol dalla davosa radunonza generala sa vegnir priu investa tiel biro da Sumvitg Turissem duront las uras da spurtegl ni sut [www.sumvitg-turissem.ch](http://www.sumvitg-turissem.ch)  
Cordials salids

*Sumvitg Turissem*

## Club da tennis Trun

### Cup Punteglias

Il tradiziunal Cup Punteglias ha liug uonn **dils 20-8- 2021 entochen ils 22-8-2021** a Trun. Ei vegn giugau en differentas categorias, e quei mintgamai en giugs da gruppa. Il club da tennis Trun selegra sin stedia participaziun. Ulteriuras informaziuns anfleis sut [www.swisstennis.ch](http://www.swisstennis.ch), directamein tier il meinaturnier Simon Decurtins, 079 521 26 37, ni per e-mail [simon\\_decurtins@hotmail.com](mailto:simon_decurtins@hotmail.com). Cordialmein envida Club da tennis Trun

## **Entschatta digl onn da scola 2021/22**

### **Scolaret/-tas e scolar/-as primar/-as**

La casa da scola a **Rabius** entscheiva igl onn da scola **gliendisdis, ils 16-8-2021**, allas 8.30 cun in survetsch divin dil plaid en baselgia. Muort la situaziun actuala astgan mo ils geniturs dils affons dalla 1. scoletta e dalla 1. classa prender part. Suenter il survetsch divin seradunan tuts affons da scoletta e da scola tier lur persuna d'instrucziun da classa. Ils geniturs dils affons dalla 1. scoletta e dalla 1. classa astgan accompagnar lur affons en stanza d'instrucziun e restar entochen pausa. Ils uraris ein d'anflar sin nossa pagina d'internet sut [www.scolasumvitgtrun.com](http://www.scolasumvitgtrun.com). Nus giavischein a tuts affons da scoletta e da scola ina bun'entschatta dil niev onn da scola. *Consorti da scola Sumvitg-Trun Scolar/-as superiur/-as*

La casa da scola a **Trun** entscheiva igl onn da scola **gliendisdis, ils 16-8-2021**, allas 8.15 cun in survetsch divin dil plaid en baselgia. Muort la situaziun actuala astgan mo ils geniturs dils affons dalla 1. scoletta e dal la 1. classa primara prender part. Suenter il survetsch divin seradunan tuts affons da scoletta e da scola sin plaz da pausa. Ils uraris ein d'anflar sin nossa pagina d'internet sut [www.scolasumvitgtrun.com](http://www.scolasumvitgtrun.com). Nus giavischein a tuts affons da scoletta e da scola ina bun'entschatta dil niev onn da scola. *Consorti da scola Sumvitg-Trun*